



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliorm Omnium Generalium Et Provincialium Collectio Regia

Ab anno MCXVIII. ad annum MCLXXIX.

Parisiis, 1644

Concilium Leodiense Avctoritate Innocentii Papae indictum, quo Halberstadensis episcopus pristino honori restituitur, & antipapa Anacletus condemnatur, anno Domini MCXXXI.

urn:nbn:de:hbz:466:1-15588

ANNO CHRISTI 1131.
Rhemis habito presente Francorum rege Ludonico, filius eius Ludonicus in regem consecratur a papa Innocentio, octavo Kalendas Nouembris: paucis enim diebus antequam hæc Synodus celebraretur, Philippus regis filius, nuper in regem inunctus, equi fortuito casu decidens magno omnium luctu in pœnam sacrilegi patris, iuxta vaticinium sancti Bernardi, occisus fuerat. Concilio Rhemensi, inquit Dodechinus in appendice ad Marianum, presedit Innocentius papa, XIV. Kalendas Nouembris, presente Ludouico rege Francia, cuius filium adhuc paruulum regem consecrauit. Hæc Dodechinus.

CONCILIVM LEODIENSE
 AVCTORITATE INNOCENTII PAPÆ
 indictum, quo Halberstadenſis episcopus pristino honori restituitur, & antipapa Anacletus condemnatur, anno Domini MCXXXI.

NOTÆ.

^a *Concilium.*] Anno Domini 1131. inquit abbas Stadenſis in chronico, *Conuentus apud Leodium agitur, in quo Otto Halberstadenſis episcopus ab Innocentio papa pristino honori restituitur.* Otto Frisingenſis cap. 18. lib. 7. de eadem Synodo ista dumtaxat scribit: *Apud Leodium Belgie urbem Synodum episcoporum conuocans, regem Lotharium ad defensionem sancte Romane ecclesie inuitauit.* Ibidem vna cum Lothario totius regni archiepiscopos, episcopos, duces, marchiones & palatinos comites congregatos fuisse, aduenientemque illuc pontificem magnifice exceptum, ad tyrannidem apostolicæ sedis inuasorum comprimendam cum promissione imperialis coronæ auxilium petiuisse, & impetrasse, Dodechinus & abbas Vrspergenſis verbis fere iisdem describunt.

Causa & acta Concilii.

Qui interfuerint.

Sugerius in vita Ludouici Crassi ponit occursum Lotharii Innocentio papæ factum hoc eodem anno, sed ante Rhemenſe Concilium, atque his ipsum verbis describit: *Visitando itaque Gallicanam, sicut res exigebat, ecclesiam, ad partes se transfert Lotharingorum, ipse scilicet Innocentius papa. Cui cum imperator Lotharius ciuitate Leodii cum magno archiepiscoporum, & episcoporum, & Teutonici regni optimatum collegio celeberrime occurrisset, in platea ante episcopalem ecclesiam humillime seipsum stratores offerens, pedes per medium sancte processionis ad eum festinat, alia manu virgam ad defendendum, alia frenum albi equi accipiens, tamquam dominum deducebat. Descendente vero tota statione eum subbrachiando deportans, celsitudinem paternitatis eius notis & ignotis clarificauit.* Hæc Sugerius sancti Dionysii abbas. Sed quæ ista sint secutæ inter Lotharium & Innocentium pontificem contentiones & discordiæ, Bernardus Bonauallis abbas sic exponit: *Sed velociter obnubilata est illa serenitas.*
 Concil. Tom. 27. P

siquidem importune idem rex institit, tempus habere se reputans opportunum, episcoporum sibi restitui inuestituras, quas ab eius predecessore imperatore Henrico per maximos quidem labores & multa pericula Romana ecclesia vendicarat. Ad quod verbum expauere & expalluere Romani, grauius sese apud Leodium arbitrati periculum offendisse, quam declinauerint Roma. Nec consilium suppetebat, donec murum se opposuit abbas sanctus, Bernardus scilicet: audacter enim resistens regi verbum malignum mira libertate redarguit, mira auctoritate comescuit. Hæc ipse.

ANNO
CHRISTI
1131.

Petrus diaconus, chronico Cassinensi lib. 4. cap. 99.

Hic vides redargui mendacissimum Petrum diaconum Cassinensem, dum in gratiam eiusdem Lotharii, cui postea inhæsit, aduersus tam apertissimam veritatem de inuestituris affirmat eas ab Innocentio papa in eo Conuentu Leodiensi Lothario fuisse concessas, sic dicens: *Innocentius igitur Germaniam ingressus a Lothario rege iuxta Leodium excipitur, virgam ei & annulum antiquo ex more confirmans, & terram comitisse Mathildæ condonans.* Hæc ipse Petrus, qui aduersus catholicum papam Innocentium vna cum suis pro schismaticorum parte stetit ac laborauit. Sed in eo etiam mendax esse conuincitur, dum iuxta Leodium donationem terræ Mathildæ factam ab Innocentio aserit. Nam diploma pontificis de ea re conscriptum Romæ datum legitur. Suggestum tantum non exactum de inuestitura a Lothario quod petierat Otto Frisingensis affirmat.

Otto Frisingensis, lib. 7. cap. 18.

**CONCILIVM MOGVNTINVM
IN CAUSA BRVNONIS ARGENTINENSIS
episcopi celebratum anno Domini M C X X X I. tempore Innocentii papæ II.**

NOTA.

* *Concilium.*] Moguntia habitum, inquit Dodechinus, anno 1131. præsentente Lothario rege, præsidente Matthæo Albanensi cum Moguntinensi archiepiscopo; vbi Bruno Argentinensis episcopus, præsentibus Augustensi, Eistetenste, Bambergense, Vvirzeburgense, Spirensis, Vvormantiense, episcopis, a clero & populo super violentia, intrusione, & consecratione impetitus, in manus archiepiscopi & cardinalis Argentinensem resignauit episcopatum.

Bruno episcopus Argentinensis resignare cogitur.